

七十二家集

郭弘農集目錄

卷之一

賦

南郊賦

江賦

巫咸山賦

登百尺樓賦

鹽池賦

井賦



流寓賦

蜜蜂賦

又

蠅蜂賦

詩

贈溫嶠

遊仙詩十四首

贈潘尼

春

夏

別

題墓詩

卷之二

疏

省刑疏

日有黑氣疏

皇孫生請布澤疏

平刑疏

彈任谷疏

禁荻疏

辭尚書表

序

山海經序

爾雅序

方言序

設難

客傲

哀策文

晉元帝哀策文

附錄

郭璞傳

唐太宗

郭璞傳

禪仙傳

書郭璞傳後

明張燮

題雙溪閣

朱盧葵

遺事

集評

郭弘農集卷之一

晉河東郭璞景純著

明閩漳張燮紹和纂

賦

南郊賦

於是時惟青陽日在方旭我后將受命靈壇乃
改步而鳴玉升金軒撫太僕揚六轡齊八驥列
五幡於一元今靡日月乎黃屋矯陵烏以偵候
兮整豹尾於後屬武騎仡以清道被練煥以波

燭爾乃造曠場良壇庭百寮山立萬乘雲縈延
祝史肆玉牲登圓丘揖太清禮羣望告皇靈天
澄其氣日朗其精飛廉鼓舞於八維兮豐隆擎
節於九冥祝融穆以肅侍兮陽侯澹以申停於
是司烜戒燧火烈具炳宗皇祖而配祀增孝思
之惟永郊寰之內區域之外雕題卉服被髮左
帶駿奔在壇不期而會戔戔羣辟蚩蚩黎庶翹
懷聖猷思我王度事崇其簡服尚其素化無不
融萬物自鼓振西北之絕維隆東南之撓枉廓

清紫衢電掃神宇風馬桂林抗旌琳園五岳不
足以題其勲九韶不足以贊其舞饗蛟鬼方聲
振丘隴倒景望風龍漢企踵爛若列星之環辰
咸雲騰而海涌此葢和氣旁通玄羅潛總自然
之感鼓而遂動

江賦

咨五才之並用寔水德之靈長惟岷山之導江
初發源乎濫觴聿經始於洛汭攏萬川乎巴梁
衝巫峽以迅激躋江津而起漲極泓量而海運
狀滔天以淼茫總括漢泗兼包淮湘并吞沅澧
汲引沮漳源二分於岨嶠流九派乎潯陽鼓洪
濤於赤岸綸餘波乎柴桑網絡羣流商摧涓澮
表神委於江都混流宗而東會注五湖以漫漭
灌三江而澎湃滄汗六州之域經營炎景之外

所以作限於華夷壯天地之嶮介呼吸萬里吐
納靈潮自然往復或夕或朝激逸勢以前驅乃
鼓怒而作濤峨嶓爲泉陽之揭玉壘作東別之
標衡霍磊落以連鎖巫廬嵬崩而比嶠協靈通
氣瀆薄相陶流風蒸雷騰虹揚霄出信陽而長
邁淙大壑與沃焦若乃巴東之峽夏后䟽鑿絕
岸萬丈壁立赧駁虎牙巉豎以屹峩荆門闕竦
而磐礴圓淵九迴以懸騰湓流雷响而電激駭
浪暴灑驚波飛薄迅復增澆湧湍疊躍砢巖鼓

作淵渚衆澗灤瀆漑潰濇洳潏滂湟泐決瀛
潤澍淪漩環榮潛漫澗漬瀑浸減瀘湧龍鱗結
絡碧沙遺沱而往來巨石礫砢以前却潜演之
所汨涌奔溜之所磔錯厓隩爲之泐嶻嵒嶺爲
之崿嶸幽澗積咀磐硲確若乃曾潭之府靈
湖之淵澄澹汪洸潢混因泓泓涸滌浥鄰圖
潋混瀚灝渙流映揚焞溟潏渺汚汗汗汧汭察
之無象尋之無邊氣滃淳以霧杳時鬱律其如
煙類胚渾之未凝象太極之構天長波浹漂峻

湍崔嵬盤渦谷轉凌濤山頽陽侯礮礪以奔起
洪瀾浣演而雲迴沍淪滾滾乍汜乍堆微如地
裂豁若天開觸曲厓以縈繞駭崩浪而相礪鼓
唇窟以澎湃乃湓湧而駕隈魚則江豚海狶叔
鮪王鱣鰐鯨鯢鮒鯪鯢或鹿脰象鼻或虎
狀龍顏鱗甲錐錯煥爛錦斑揚鬣掉尾噴浪飛
颺排流呼哈隨波遊延或爆采以晃淵或嚇鰓
乎巖間介鯨乘濤以出入鱣鯢順時而往還爾
其水物怪錯則有潛鵠魚牛虎蛟鉤蛇輪轉鱉

蝟鱗鼉鼉魘玉珧海月土肉石華三蠓蚌江鸚
螺蛭蝸瑱蛭腹蟹水母目蝦紫蚌如渠淇蛭專
車瓊蚌晞曜以瑩珠石蛭應節而揚葩蛭蟾森
衰以垂翹玄螭硯礫而礫礫或泛漱於潮波或
混淪乎泥沙若乃龍鯉一角奇鷁九頭有鼈三
足有龜六眸鱗鱗肺躍而吐璣文魮磬鳴以孕
璆條蟪拂翼而掣耀神蜈蜍蟪以沈遊駢馬騰
波以噓蹠水兕雷咆乎陽侯淵客築室於巖底
鮫人構館於懸流電布餘糧星離沙鏡青綸競

糾縈組爭映紫菜熒曄以叢被綠苔參髣乎研
上石帆蒙籠以蓋嶼萍實時出而漂泳其下則
有金礦丹礫雲精燭銀瑤玕璿瑰水碧潛瑒鳴
石列於陽渚浮磬肆乎陰濱或頰彩輕漣或焞
曜涯鄰林無不溥泮無不津其羽族也則有晨
鵠天鷄鴈鵞鷗馱陽鳥爰翔于以玄月千類萬
聲自相喧聒濯翮疏風鼓翅翩翩揮弄灑珠拊
拂瀑沫集若霞布散如雲豁產氍積羽往來勃
碣樛杞稊薄於潯浹栊槌森嶺而羅峯桃枝質

管實繁有叢葭蒲雲蔓櫻以蘭紅楊偏點擢紫
茸蔭潭隩被長江繁蔚芳離隱蒨水松涯灌芊
葳潛蒼蔥龍鮫鮪踦躡於垠隤獮獺睨乎廕
空迅雌臨虛以騁巧狐攫登危而雍容夔拏翹
陸於夕陽鷺雛弄翮乎山東因岐成渚觸澗開
渠漱壑生浦區別作湖磴之以漑瀝滌之以尾
間標之以翠翳泛之以遊蕪播匪莪之芒種挺
自然之嘉蔬鱗被菱荷攢布水蕨翹莖瀟蘩濯
穎散裹隨風猗萎與波潭淹流光潛映景炎霞

火其旁則有雲夢雷池彭蠡青草具區珧漏珠
漣丹淥極望數百沆瀣晶滄爰有包山洞庭巴
陵地道潛達旁通幽岫窈窕金精玉英璵璠其衷
瑤珠怪石琤其表驪蚪繆其址梢雲冠其巘海
童之所巡遊琴高之所靈矯冰夷倚浪以傲睨
江妃含嚔而聯眇撫凌波而鳧躍吸翠霞而夭
矯若乃宇宙澄寂八風不翔舟子於是搦棹涉
人於是櫟榜漂飛雲運舩舩舳舻相屬萬里連
牆汭洄沿流或漁或商赴交益投幽浪竭南極

窮東荒爾乃霽雰縈於清旭覩五兩之動靜長
風颭以增扇廣莫颭而氣整徐而不颭疾而不
猛鼓帆迅越趙漲截洞凌波縱施電往杳溟霽
如晨霞孤征眇若雲翼絕嶺倏忽數百千里俄
頃飛廉無以晞其蹤渠黃不能企其景於是蘆
人漁子擯落江山衣則羽褐食惟蔬鱸洊澱爲
涔夾漈羅筌筒灑連鋒罾雷比船或揮輪於懸
碕或中瀨而橫旋忽忘夕而宵歸詠採菱以叩
舷傲自足於一嘔尋風波以窮年爾乃域之以

盤巖豁之以洞壑疏之以沍汜鼓之以潮汐川
流之所歸湊雲霧之所蒸液珍怪之所化產瑰
奇之所窟宅納隱淪之列真挺異人乎精魄播
靈潤於千里越岱宗之觸石及其譎變儵恍符
祥非一動應無方感事而出經紀天地錯綜人
術妙不可盡之於言事不可窮之於筆若乃岷
精垂曜於東井陽侯遯形乎大波奇相得道而
宅神乃協靈爽於湘娥駭黃龍之負舟識伯禹
之仰嗟壯荆飛之擒蛟終成氣乎太阿悍要離

之圖慶在中流而推戈悲靈均之任石歎漁父
之櫂歌想周穆之濟師驅八駿訟電巖感交甫
之喪珮慙神使之嬰羅煥大塊之流形混萬盡
於一科保不虧而永固稟元氣於靈和考川瀆
之妙觀實莫著於江河

靈咸山賦

蓋巫咸者寔以鴻術爲帝堯醫士爲上公死爲
貴神豈封斯山而因以名之乎

伊巫咸之名山岬孤停而矚峙體多峭以隆頽
冠崇嶺以峻起配華霍以助鎮致靈潤乎百里
爾乃寒泉懸涌浚湍流帶林薄叢籠幽蔚隱藹
八風之所歸起遊鳥之所喧會潛瑕石揚蘭茝
廻翔鵷集凌鴈鷁禽鳥栖陽以晨鳴熊虎宿
陰而夕睥

登百尺樓賦

在青陽之季月登百尺以高觀嘉斯遊之可娛
乃老氏之所嘆撫凌檻以遙想乃目極而肆運
情耿然以思遠悵自失而潛愴瞻禹臺之隆岨
奇巫咸之孤峙笑鹽池之泥汙蒸紫霧而霞起
異傳巖之幽人神介山之伯子揖首陽之二老
招鬼谷之隱士嗟王室之蠢蠢方構怨而極武
哀神器之遷浪指綴旒以譬王雄戟列於廊板
戎馬鳴乎講筵寤茗華而增恠歎飛駟之過戶

陟茲樓以曠眺情慨爾而懷古

鹽池賦

水潤下以作鹹莫斯鹽之最靈傍峻岳以發源
池茫爾而海濔曄玄液之潛洞羌莫知其所生
狀委蛇其若漢流漫漫以潏潏吁鑿鑿以粲粲
色皜然而雪朗揚赤波之煥爛光肝肝以晃晃
隆陽映而不焦洪涔沃而不長磊崔嶮確齔刻
碁方玉潤膏津雪白凌岡絜如散璽煥若布璋
爛然漢明晃爾霞赤望之絳承卽之雪積翠塗
內映潏液外翬動而愈生損而滋益若乃煎海

鑠泉或凍或漉所贍不過一鄉所營不過鍾斛
飴戎見珍於西鄰火井擅奇乎巴濮豈若茲池
之所產帶神邑之名嶽吸靈潤於河汾總膏液
乎澮涑

井賦

益作井龍登天鑿后土洞黃泉潛源滄濤滴
涓涓幽溟圖濤濤深玄億萬冠玉檻甃鱗錯
鼓輓轆揮勁索飛輕裾之繽紛手爭驚而互搗
長纍委虵以曾縈兮瑤甕龍騰而灑激乃回澄
以靜映狀罔然而鏡灼挹之不損停之不溢莫
察其源動而愈出信潤下而德施壯邑移以不
改獨星陳於丘墟兮越百代而猶在守虛靜以
玄澹兮不東流而注海氣霧集以杳冥兮聲雷

郭弘農集

卷一

十二

駭而溯潛

流寓賦

戒雞晨而星發至倚氏而方曉觀屋落之隳殘
顧但見乎丘垤嗟城池之不固何人物之希少
越南山之高嶺修焦丘之微路駭斯徑之峻絕
感王陽而增懼詰朝發於解池辰申暨乎河北
思此縣之舊名蓋曩日之魏國詠詩人之流歌
信風土之儉刻背茲邑之迥逝何險難之多歷
望陝城於南涯存虢氏之疆場實我姓之攸出
邈有懷乎乃迹陟函谷之高關壯斯勢之險固

過王成之丘塘想穀洛之合關惡王靈之壅流
奇子喬之輕舉遊華輦而永懷乃凭軾以寓目
思文公之所營蓋成周之墟域

蜜蜂賦

嗟蟲物之蠢蠢惟貞蟲之明族有龍璫之細蜂
亦策名於羽屬近浮遊於閭閻遠翔乎林谷
爰翔爰集蓬轉颺迴紛紜雪亂混沌雲頽景翳
耀靈響迅風雷爾乃眩後之雀下林天井青松
冠谷赤蘿繡嶺無花不纏無陳不省吮瓊液於
懸峰吸漚津乎晨景於是迴驚林篁經營堂窟
繁布金房疊構玉室咀嚼華滋釀以爲蜜自然
靈化莫識其術散似甘露凝如割肪冰鮮玉潤

隨滑蘭香百藥須之以諧餘扁鵲得之而術良
爾乃察其所安視其所託恒據中而處難營翠
微而結落徽號明於羽族闡衛固乎管籥誅戮
峻於鈇鉞招徽速乎羽檄集不謀而同期動不
安而齊約

又

窮味之矣極甜之長百果須以諧和靈娥御以
麗顏

蚍蜉賦

惟洪陶之萬殊賦羣形而遍灑物莫微於昆蟲
屬莫賤乎螻蟻淢淢奕奕交錯往來行無遺迹
驚不動埃迅雷震而不駭激風發而不動席賁
比而不懾龍劍揮而不恐乃吞舟而是制無小
大與輕重因無心以致力果有象乎大勇出奇
膠於九真流瀾源其如血飾人士之喪具在四
隅而交結濟齊國之窮師由山東之高垓感萌
陽以潛出將知水而封穴伊斯蟲之愚昧乃先

識而似慙

詩

贈溫嶠

人亦有言松竹有林及爾臭味異苔同
言以忘得交以淡成同匪伊和惟我與生
爾神余契我懷子情攜手一豁安知塵冥

遊仙詩十四首

京華游俠窟山林隱遯棲朱門何足榮
未若託蓬萊臨源挹清波陵岡掇丹雘
靈谿可潛盤安事登雲梯漆園有傲吏
萊氏有逸妻進則保龍

見退爲觸藩鋌高蹈風塵外長揖謝夷齊

青溪千餘仞中有一道士雲生梁棟間風出窓
戶裏借問此何誰云是鬼谷子翹迹企顙陽臨
河思洗耳闔闔西南來潛波渙鱗起靈妃顧我
笑粲然啓玉齒寒脩時不存要之將誰使

翡翠戲蘭若容色更相輝綠蘿結高林蒙籠蓋
一山中有冥寂士靜嘯撫清絃放情凌霄外嚼
藥挹飛泉赤松林上游駕鴻乘紫煙左挹浮丘
袖右拍洪崖肩借問興好輩寧知龜鶴年

六龍安可頓運流有代謝時變感人思已秋復
願夏淮海變微禽吾生獨不化雖欲騰丹谿雲
螭非我駕愧無魯陽德廻日向三舍臨川哀年
邁撫心獨悲吒

逸翮思拂霄迅足奚遠游清源無增瀾安得運
吞舟珪璋雖特達明月難闡投潛穎怨清陽陵
茗哀素秋悲來慟丹心零淚緣纓流

雜縣寓魯門風暖將爲災吞舟涌海底高浪駕
蓬萊神仙排雲出但見金銀臺陵陽挹丹溜容

成揮玉杯姮娥揚妙音
洪崖領其順升降隨長
煙飄飄戲九垓奇齡邁五龍
千歲方嬰孩燕昭
無靈氣漢武非仙才

晦朔如循環月盈已復魄
蓐收清西陸朱羲將
由白寒露拂陵苕女蘿
辭松柏薜榮不終朝
蜉蝣豈見夕圖丘有奇草
鐘山出靈液王孫列八
珍安期鍊五石長揖當途人
去來山林客

暘谷吐靈曜扶桑森千丈
朱霞升東山朝日何
晃朗迴風流曲櫺幽室發
逸響悠然心永懷耿

爾自遐想仰思舉雲翼延首矯玉掌
嚙微遺世羅縱情任獨往明道雖若昧
其中有妙象希賢宜勵德美魚當結網

採藥遊名山將以救年頽呼吸玉滋液
妙氣盈胸懷登仙撫龍駟迅駕乘奔雷
鱗裳逐電曜雲蓋隨風迴手頓羲和轡
足蹈閭闔開東海猶蹄浮崑崙若蟻堆
遐邈冥茫中俯視令人哀

璇臺冠崑嶺西海濱招搖瓊林籠藻映
碧樹疏英翹丹泉漂朱沫黑水鼓玄濤
尋仙萬餘日今

乃見子喬振髮睇翠霞解褐被絳綃總轡臨少
廣盤虬舞雲輶永偕帝鄉侶千齡其逍遙

登嶽採五芝涉澗將六草散髮蕩玄溜終年不
華皓

四瀆流如淚五嶽羅若垤尋我青雲友永與時
人絕

靜歎亦何念悲此妙齡逝在世無千月命如秋
葉帶蘭生蓬色間榮曜常幽翳

縱酒濛汜濱結駕尋木末翹手攀金梯飛步登

玉闕左顧擁方目右眷極朱髮

贈潘尼

杞梓生南荆奇才應世出權潁蓋漢陽鴻聲駭
皇室遂應四科運朱衣耀玉質

春

青陽暢和氣谷風穆以溫英蔭曄林薈昆蟲咸
啓門高臺臨迅流四座列王孫羽蓋停雲陰翠
鬱映玉樽

夏

義和騁丹衢朱明赫其猛融風拂晨霄陽精一
何問閒宇靜無娛端坐愁日永

別

君如秋日雲妾似突中煙高下理自殊一乖兩
絕天

題墓詩

北阜烈烈巨海混混壘壘三墳唯母與昆

郭弘農集卷之二

晉河東郭璞景純著

明閩漳張燮紹和纂

疏

省刑疏

臣聞春秋之義貴元慎始故分至啓閉以觀雲
物所以顯天人之統存休咎之徵臣不揆淺見
輒依歲首粗有所占卦得解之旣濟按爻論思
方涉春本王龍德之時而爲廢水之氣來見乘

加升陽未布隆陰仍積坎爲法象刑獄所麗變
坎加離厥象不燭以義推之皆爲刑獄殷繁理
者有壅濫又去年十二月二十九日太白蝕月
月者屬坎羣陰之府所以照察幽情以佐太陽
精者也太白金行之星而來犯之天意若曰刑
理失中自壞其所以爲法者也臣術學庸近不
練內事卦理所及敢不盡言又去秋以來沉雨
跨年雖無金家涉火之祥然亦是刑獄充溢怨
讟之氣所致在建興四年十二月中行丞相令

史淳于伯刑於市而血逆流長標伯者小人雖
罪在未允何足感動靈變致若斯之怪邪明皇
天所以保佑金家子愛陛下屢見災異殷勤無
已陛下宜側身思懼以應靈譴皇極之謫事不
虛降不然恐將來必有愆陽苦雨之災崩震薄
蝕之變狂狡蠱戾之妖以益陛下盱食之勞也
臣謹尋按舊經尚書有五事俱禦之術京房易
傳有消復之救所以緣咎而致慶因異而邁政
故木不生庭太戊無以隆雉不鳴鼎武丁不爲

宗夫寅畏者所以饗福怠慢者所以招患此自然之符應不可不察也按解卦絲云君子以赦過宥罪旣濟云思患而豫防之臣愚以爲宜發哀矜之詔引在予之責蕩除瑕釁贊陽布惠使幽斃之人應蒼生以悅育否滯之氣隨谷風而紓散此亦寄時事以制用藉開塞而曲成者也臣竊觀陛下貞明仁恕體之自然天假其祚奄有區夏啓重光於已昧廓四祖之遐武祥靈表瑞人鬼獻謀應天順時殆不尙此然陛下卽位

以來中興之化未聞雖躬綜萬機勞逾日具玄
澤未加於羣生聲教未被乎宇宙臣主未寧於
上黔細未輯於下鴻鴈之詠不興康衢之歌不
作者何也杖道之情未著而任刑之風先彰經
國之略未震而軌物之迹屢遷夫法令不一則
人情惑職次數改則覲覲生官方不審則牝政
作懲勸不明則善惡渾此有國者之所慎也臣
竊爲陛下惜之夫以區區之曹參猶能遵蓋公
之一言倚清靖以鎮俗寄布獄以容非德音不

忘流詠于今漢之中宗聰悟獨斷可謂令主然
厲意刑名用虧純德老子以禮爲忠信之薄况
刑又是禮之糟粕者乎夫無爲而爲之不宰以
宰之固陛下之所體者也恥其君不爲堯舜者
亦豈惟古人是以敢肆狂瞽不隱其懷若臣言
可採或所以爲塵露之益若不足採所以廣聽
納之門願陛下少留神鑒賜察臣言

日有黑氣疏

臣以頑昧近者冒陳所見陛下不遺狂言事蒙
御省伏讀聖詔歡懼交戰臣前云升陽未布隆
陰仍積坎爲法象刑獄所麗變坎加離厥象不
燭疑將來必有薄蝕之變也此月四日日出山
六七丈精光潛暗而色都赤中有異物大如雞
子又有青黑之氣共相搏擊良久方解按時在
歲首純陽之日月在癸亥全陰之位而有此異
殆元首供禦之義不顯消復之理不著之所致

也計去微臣所陳未及一月而便有此變益明
皇天留情陛下懇懇之至也往年歲末太白蝕
月今在歲始日有咎譴曾未數旬大靑再見日
月告驟見懼詩人無曰天高其鑒不遠故宋景
言善熒惑退次光武寧亂噉沍結冰此明天人
之懸符有若形影之相應應之以德則休祥臻
酬之以怠則咎徵作陛下宜恭承靈譴敬天之
怒施沛然之恩諧玄同之化上所以允塞天意
下所以弭息羣謗臣聞人之多幸國之不幸赦

不宜數實如聖旨臣愚以爲子產知鑄刑書非
政事之善然不得不作者須以救弊故也今之
宜赦理亦如之隨時之宜亦聖人所善者此國
家大信之要誠非微臣所得干豫今聖朝明哲
思弘謀猷方闢四門以亮采訪輿誦於羣小况
臣蒙珥筆朝末而可不竭誠盡規哉

皇孫生請布澤疏

有道之君未嘗不以危自持亂世之主未嘗不以安自居故存而不忘亡者三代之所以興也亡而自以爲存者三季之所以廢也是以古之令主開納忠讜以弼其違標顯功直用攻其失至乃聞一善則拜見規誠則懼何者蓋不私其身處天下以至公也臣竊惟陛下符運至著勲業至大而中興之祚不隆聖敬之風未躋者殆由法令太明刑教太峻故水至清則無魚政至

察則衆乖此自然之勢也臣去春啓事以圉圉充斥陰陽不和推之卦理宜因郊祀作赦以蕩滌瑕穢不然將來必有愆陽苦雨之災崩震薄蝕之變狂狡蠱戾之妖其後月餘日果薄蝕去秋以來諸郡並有暴雨水皆洪潦歲用無年適聞吳興復欲有構妄者咎徵漸成臣甚惡之頃者以來役賦轉重獄犴日結百姓困擾甘亂者多小人愚嶮其相扇惑雖勢無所至然不可不心按洪範傳君道虧則日蝕人憤怨則水涌溢

陰氣積則下代上此微理潛應已著實於事者也假令臣遂不幸謬中必貽陛下側席之憂今皇孫載育天固靈基黔首顙顙實望惠潤又歲涉午位金家所忌宜於此時崇恩布澤則火氣潛消災譴不生矣陛下上籌天意下順物情可因皇孫之慶大赦天下然後明罰勅法以肅理官克厭天心慰塞人事兆庶幸甚禎祥必臻矣臣今所陳暫而省之或未允聖旨久而尋之終亮臣誠若所啓上合願陛下勿以臣身廢臣之

言臣言無隱而陛下納之適所以顯君明臣直
之義耳

平刑疏

臣聞上古象刑而民不犯中古明刑以致刑措
故立刑以禁刑立殺以去殺重之以死所以求
其生峻之以刑所以輕其死死由於法輕生存
乎法重此立防之成標也然則刑無輕重用之
唯平非平法之爲難思在斷之爲難是以子臯
行戮刑者忘痛釋之典刑民無怨色何者積之
於誠也按癸酉詔書之旨專爲邊城實之裔土
濟當時一切之用非爲經遠之法亦是中夏全

平之時威御足指控制故可得行之矣欲役無
賴子弟驅不逞之人聚之於空荒四維之地將
以扞固牧圉未見其利也且濱接鯨猾密邇姦
藪退未絕其丘窟之顧進無以塞其逋逃之門
五流三居誠古之犯刑論之於今事實難行且
律令以跨三代歷載所遵未易輕改者也是以
刑法不專則名幸者興政令驟變則人志無繫
子產患其如此故矯先正議事之制而立刑書
之辟皆所以弭民心而正羣惑者也

彈任谷疏

任谷所爲妖異無有因由陛下玄鑒廣覽欲知其情狀引之禁內供給安處臣聞爲國以禮正不聞以奇邪所聽惟人故神降之吉陛下簡默居正動遵典刑按周禮奇服怪人不入宮況谷妖詭怪人之甚者而登講肆之堂密邇殿省之側塵黷日月穢亂天聽臣之私情竊所以不取也陛下若以谷信爲神靈所憑者則應敬而遠之夫神聰明正直接以人事若以谷爲妖蠱詐

妄者則當殺畀裔土不宜令褻近紫闥若以谷
或是神祇告譴爲國作青者則當克已脩禮以
弭其妖不宜令谷安然自容肆其邪變也臣愚
以爲陰陽陶蒸變化萬端亦是狐狸魍魎憑陵
作慝願陛下採臣愚懷特遣谷出臣以人乏忝
荷史任敢忘直筆惟義是規

禁荻疏

不宜禁荻地禮云名山大澤不封蓋欲以民通財其利不獨專之也

辭尙書表

今當以劣弱之質充督責之官以無用之才管
繁劇之任

序

山海經序

世之覽山海經者皆以其闕誕迂誇多奇怪俶
儻之言莫不疑焉嘗試論之曰莊生有云人之
所知莫若其所不知吾於山海經見之矣夫以
宇宙之寥廓羣生之紛紜陰陽之煦蒸萬殊之
區分精氣渾淆自相瀆薄遊魂靈恠觸象而構
流形於山川麗狀於水石者惡可勝言乎然則
總其所以乖鼓之於一響成其所以變混之於

一象世之所謂異未知其所以異世之所謂不
異未知其所以不異何者物不自異待我而後
異異果在我非物異也故胡人見布而疑贗越
人見蜀而駭毳夫觀所習見而奇所希聞此人
情之常蔽也今略舉可以明之昔陽火出於冰
水陰鼠生於炎山而俗之論者 之或恠及談
山海經所載而咸恠之是不恠所可恠而恠所
不可恠也不恠所可恠則幾於無恠矣恠所不
可恠則未始有可恠也夫能然所不可不可

不可然則理無不然矣紫泥郡竹書及穆天子
傳穆王西征見西王母執璧帛之好獻錦組之
屬穆王享王母于瑤池之上賦詩往來辭義可
觀遂襲崑崙之丘遊軒轅之宮眺鍾山之嶺玩
帝若之寶勒石王母之山紀跡玄圃之上乃取
其嘉木豔草奇鳥恠獸玉石珍瑰之器金膏燭
銀之寶歸而殖養之於中國穆王駕八駿之乘
右服盜驪左騶騶耳造父爲御犇戎爲右萬里
長驚以周歷四荒名山大川靡不登濟東升大

人之堂西燕王母之廬南轅轅之梁北躡積羽之衢窮歡極娛然後旋歸案史記說穆王得盜驪騾耳驊騮之驥使造父御之以西巡守見西王母樂而忘歸亦與竹書同左傳曰穆王欲肆其心使天下皆有車轍馬跡焉竹書所載則是其事也而譙周之徒足爲通識瑰儒而雅不平此驗之史考以著其妄司馬遷叙大宛傳亦云自張騫使大夏之後窮河源惡覩所謂崑崙者乎至禹本紀山海經所有怪物余不敢言也

不亦悲乎若竹書不潛出於千載以作徵於今
日者則山海之言其幾乎廢矣若乃東方生曉
畢方之名劉子政辨盜械之尸王顧訪兩面之
客海民獲長臂之衣精驗潛効絕代懸符於戲
羣惑者其可以少寤乎是故聖皇原化以極變
象物以應恠鑒無滯曠曲盡幽情神焉慶哉神
焉慶哉蓋此書跨世七代歷載三千雖暫顯於
漢而尋亦寢廢其山川名號所在多有舛謬與
今不同師訓莫傳遂將湮泯道之所存俗之所

喪悲夫余有懼焉故爲之創傳疏其壅閼闢其
弗蕪領其玄致標其洞涉庶幾令逸文不墜于
世奇言不絕于今夏后之迹靡刊於將來八荒
之事有聞於後裔不亦可乎夫翳薈之翳叵以
論垂天之凌蹄浴之遊無以知絳虬之騰鈞天
之庭豈伶人之所躡無航之津豈蒼兕之所涉
非天下之至通難與言山海之義矣嗚呼達觀
物之客其鑒之哉

爾雅序

夫爾雅者所以通詁訓之指歸叙詩人之興詠
總絕代之離詞辨同實而殊號者也誠九流之
津涉六藝之鈐鍵學覽者之潭奧摘翰者之華
苑也若乃可以博物不惑多識於鳥獸草木之
名者莫近於爾雅爾雅者蓋興於中古隆於漢
氏豹鼠旣辨其業亦顯英儒瞻聞之士洪筆麗
藻之客靡不欽玩耽味爲之義訓璞不揆櫛味
少而習焉沈研鑽極二九載矣雖註者十餘然

猶未詳備並多紛謬有所漏略是以復綴集異
聞會粹舊說考方國之語采謠俗之志錯綜樊
孫博闕羣言剟其瑕礫舉其蕭稂事有隱滯援
據徵之其所易了闕而不論別爲音圖用祛未
寤輒復擁篲清道企望塵躅者以將來君子爲
亦有涉乎此也

方言序

蓋聞方言之作出乎輶軒之使所以巡遊萬國
采覽異言車軌之所交人迹之所蹈靡不畢載
以爲奏籍周秦之季其業隳廢莫有存者暨乎
揚生沉淡其志歷載構綴乃就斯文是以三五
之篇著而獨鑒之功顯故可不出戶庭而坐照
四表不勞疇咨而物來能名考九服之逸言標
六代之絕語類摘詞之指韻明乖途而同致辨
章風謠而區分曲通萬殊而不雜真洽見之奇

書不刊之碩記也余少玩雅訓旁味方言復爲
之解觸事廣之演其未及摘其謬漏庶以燕石
之瑜補琬琰之瑕俾後之瞻涉者可以麝寤多
聞爾

設難

客傲

客傲郭生曰玉以兼城爲寶士以知名爲賢明
月不妄映蘭葩豈虛鮮今足下旣以拔文秀於
叢蒼蔭弱根於慶雲陵扶搖而竦翮揮清瀾以
濯鱗而響不徹於九臯價不登乎千金傲岸榮
悴之際頡頏龍魚之間進不爲諧隱退不爲放
言無沈冥之韻而希風乎嚴光徒費思於鑽咏
摹洞林乎連山尙何名乎夫攀驪龍之髯撫翠

禽之毛者而不得絕霞肆跨天津者未之前聞也郭生粲然而笑曰鶴鵠不可與論雲翼井蛙難與量海螭雖然將祛子之感訊以未悟其可乎乃者地維中絕乾光墜采皇運暫回廓祚淮海龍德時乘羣才雲駭藹若鄧林之會逸翰爛若溟海之納奔濤不煩咨嗟之訪不假蒲帛之招羈九有之奇駿咸總之於一朝豈惟豐沛之英南陽之豪昆吾挺鋒騶驕軒髦杞梓競敷蘭麝爭翹嚶聲冠於伐木援頰繁乎拔茅是以水

無浪士嚴無幽人刈蘭不暇爨桂不給安事錯
薪乎且夫窟泉之潛不思雲輦焜冰之采不羨
旭晞混光曜於埃藹者亦曷願滄浪之深秋陽
之映乎登降紛於九五淪湧懸乎龍津蚓蛾以
不才陸稿鱗虵以騰驚暴鱗連城之寶藏於褐
裏三秀雖豔靡于麗采香惡乎芬賈惡乎在是
以不塵不冥不驪不騁交離其神蕭悴其形形
廢則神王迹麗而名生體全者爲犧至獨者不
孤傲俗者不狎以自得默覺者不足以涉無故

不恢心而形遺不外累而智喪無巖穴而冥寂
無江湖而放浪玄悟不以應機洞鑒不以昭曠
不物物我我不是是非非忘意非我意得意非
我懷寄羣籟乎無象域萬殊於一歸不壽殤子
不夭彭涓不壯秋毫不小太山蚊蚋與天地齊
流蜉蝣與大椿齒年然一闔一開兩儀之迹一
冲一溢懸象之節渙沍期於寒暑凋蔚要乎春
秋青陽之翠秀龍豹之委穎駿狼之長暉玄陸
之短景故臯壤爲悲欣之府蝴蝶爲物化之器

矣夫欣黎黃之音者不顰顰蛄之吟豁雲臺之
觀者必闕帶索之歡縱臨而詠採薺擁壁而歎
抱關戰機心以外物不能得意於一弦悟往復
於嗟歎安可與言樂天者乎若乃莊周偃蹇於
漆園老萊婆娑於林窟巖平澄漠於塵肆梅貞
隱淪乎市卒梁生吟嘯而矯迹焦先混沌而槁
杌阮公昏酣而賣傲翟叟遯形以倏忽吾不幾
韻於數賢故寂然玩此員策與智骨

哀策文

晉元帝哀策文

永懷殿宇之廓寂悲彝奠之莫歆感鸞輅之晏駕哀袞袞之委衿痛聖躬之遐往長淪景於太陰乃作策曰王之不極百六作艱鵲集瓊林鯨躍神淵懷愍失據海覆岳顛蠢蠢六合罔不倒懸靈慶有底見龍在田誰其極哉我后先天大人承運重明繼作撫征淮海駿命再廓仁風旁靡神化潛鑠處冲思挹居簡行約聖敬日邁玄

心逾漠用物與能總攬羣略林無滯才山無遺
錯恩靡不懷化靡不被茫茫海域欵塞慕義萬
里同塵罔匪王繇熙熙遺黎莫知其寄括終宇
宙混同天地曰功永年曰德慶隆柰何氛厲奄
集聖躬大業未恢皇齡未中天惜其景崑頽其
崇瓚瓚小子藐藐孤冲靡天何戴靡地何憑恍
惚極慕若存若終茂焉無聞廓焉長寂聆音靡
瞻瞻顏失覲窮號曷訴叩心誰告何悲之哀何
痛之酷嗚呼我皇逢天之戚嗚呼哀哉眇然升

遐卽安玄室煌煌火龍赫赫朱輅絃焉永潛曷
其有出明訓長絕小子何述莖阜增歎臨崩慟
慄哀兼陟方痛過過密靈爽安之反真復質永
合元漠絃始得一

附錄

郭璞傳

唐太宗

郭璞字景純河東聞喜人也父瑗尚書都令史時尚書杜預有所增損瑗多駁正之以公方著稱終於建平太守璞好經術博學有高才而訥於言論詞賦爲中興之冠好古文奇字妙於陰陽算曆有郭公者客居河東精於卜筮璞從之受業公以青囊中書九卷與之由是遂洞五行天文卜筮之術懷災轉禍通致無方雖京房管

輅不能過也璞門人趙載嘗竊青囊書未及讀而爲火所焚惠懷之際河東先擾璞筮之投策而嘆曰嗟乎黔黎將湮於異類桑梓其翦爲龍荒乎於是潛結姻昵及交遊數十家欲避地東南抵將軍趙固會固所乘良馬死固惜之不接賓客璞至門吏不爲通璞曰吾能活馬吏驚入白固固趨出曰君能活吾馬乎璞曰得健夫二十人皆持長竿東行三十里有丘林社廟者便以竿打拍當得一物宜急持歸得此馬活矣

固如其言果得一物似猴特歸此物見馬死便
噓吸其鼻頭之馬起奮迅嘶鳴食如常不復見
向物固奇之厚加資給行至廬江太守胡孟康
被丞相召爲軍諮祭酒時江淮清晏孟康安之
無心南渡璞爲占曰敗康不之信璞將促裝去
之愛主人婢無由而得乃取小萱三斗繞主人
宅散之主人晨見赤衣人數千圍其家就視則
滅甚惡之請璞爲卦璞曰君家不宜畜此婢可
於東南二十里賣之慎勿爭價則此妖可除也

主人從之璞陰令人賤買此婢復爲符投于井中數千赤衣人皆反縛一一自投于井至人大悅璞攜婢去後數旬而廬江陷璞旣過江宣城太守殷祐引爲參軍時有物大如木牛灰色卑脚脚類象習前尾上皆白大力而遲鈍來到城下衆咸異焉祐使人伏而取之令璞作卦遇遯之蠱其卦曰艮體連乾其物壯巨山潛之畜匪兕匪虎身與鬼并精見二午法當爲禽兩翼不許遂被一劍還其本墅按卦名之是爲驢鼠

適了伏者以戟刺之深尺餘遂去不復見郡綱
紀上祠請殺之巫云廟神不悅曰此是鄴亭驢
山君鼠使詣荆山暫來過我不須觸之其精妙
如此祐遷石頭督護璞復隨之時有鼯鼠出延
陵璞占之曰此郡東當有妖人欲稱制者尋亦
自死矣後當有妖樹生然若瑞而非瑞辛螫之
木也儻有此者東南數百里必有作逆者期明
年矣無錫縣歟有茱萸四株交枝而生若連理
者其年盜殺吳興太守袁琇或以問璞璞曰卯

爰發而沴金此本不出位而成災也王導深重
之引叅已軍事嘗令作井璞言公有震厄可命
駕西出數十里得一柏樹截斷如身長置常寢
處災當可消矣導從其言數日果震柏樹粉碎
時元帝初鎮建鄴導令璞筮之遇咸之井璞曰
東北郡縣有武名者當出鐸以著受命之符西
南郡縣有陽名者井當沸其後晉陵武進縣人
於田中得銅鐸五枚歷陽縣中井沸經日乃止
及帝爲晉王又使璞筮遇豫之睽璞曰會稽當

出鐘以告成功上有勒銘應在人家井泥中得之繇辭所謂先王以作樂崇德殷薦之上帝者也及帝卽位太興初會稽剡縣人果於井中得一鐘長七寸二分口徑四寸半上有古文奇書十八字云會稽獻命餘字時人莫識之璞曰蓋王者之符必有靈符塞天人心與神物合契然後可以言受命矣觀五鐸啓號於晉陵棧鐘告成於會稽瑞不失類出皆以方豈不偉哉若夫鐸發其響鐘徵其象噐以數臻事以實應天

人之際不可不察帝甚重之璞著江賦其辭甚偉爲世所稱後復作南郊賦帝見而嘉之以爲著作佐郎于時陰陽錯繆而刑獄繁興璞上疏優詔報之其後日有黑氣璞復上疏頃之遷尙書郎數言便宜多所匡益明帝之在東宮與溫嶠庾亮並有布衣之好璞亦以才學見重埒於嶠亮論者笑之然性輕易不脩威儀嗜酒好色時或過度著作郎于寶常誡之曰此非適性之道也璞曰吾所受有本限用之恒恐不得盡卿

乃憂酒色之爲患乎璞既好卜筮繹紳多笑之
又自以才高位卑乃著客傲永昌元年皇孫生
璞䟽請榮恩布澤䟽奏納焉卽大赦改年時暨
陽人任谷因耕息於樹下忽有一人著羽衣就
潘之旣而不知所在谷遂有娠積月將產羽衣
人復來以刀穿其陰下出一蛇子便去谷遂成
宦者後請闕上書自云有道術帝留谷于宮中
璞復上䟽請出之其後元帝崩谷因亡走璞以
毋憂去職卜筮地於暨陽去水百步許人以近

水爲言璞曰當卽爲陸矣其後沙漲去墓數十里皆爲桑田永基王敦起璞爲記室叅軍是時潁川陳迹爲大將軍掾有笑名爲敦所重未幾而沒璞哭之哀甚呼曰嗣祖嗣祖焉知非福未幾而敦作難時明帝卽位踰年未改號而熒惑守房璞時休歸帝乃遣使齎手詔問璞會暨陽縣復上言曰赤烏見璞乃上疏請改年肆赦文多不載璞嘗爲人葬帝微服往觀之因問主人何以葬龍角此法當滅族主人曰郭璞云此葬

龍耳不出三年當致天子也帝曰問天子耶答
曰能致天子問耳帝甚異之璞素與桓彝友嘗
彝每造之或值璞在婦問便入璞曰卿來飽處
自可徑前但不可廁上相尋耳必客主有殃彝
後因醉請璞正逢在廁掩而觀之見璞裸身被
髮嚼刀設醢璞見彝撫心大驚曰吾每屬卿勿
來反更如是非但禍吾卿亦不免矣天實爲之
將以誰咎璞終嬰王敦之禍彝亦死蘇峻之難
王敦之謀逆也溫嶠庾亮使璞筮之璞對不決

嶠亮復令占已之吉凶璞曰大吉嶠等退相謂
曰璞對不了是不敢有言或天奪敦魄今吾等
與國家共舉大事而璞云大吉是爲舉事有姓
崇者構璞於敦敦將舉兵又使璞筮璞曰無成
敦固疑璞之勸嶠亮又問卦凶乃問璞曰卿更
筮吾壽幾何答曰思向卦明公起事必禍不久
若任武昌壽不可測敦大怒曰卿壽幾何曰命
盡今日日中敦怒收璞詣南崗斬之璞臨出謂
行刑者欲何之曰南崗頭璞曰必在雙柏樹下

既至果然復云此樹應有大鵲巢衆索之不得
璞更令尋覓果於枝間得一大鵲巢密葉蔽之
初璞中興初行經越城間遇一人呼其姓名因
以袴褶遺之其人辭不受璞曰但取後當自知
其人遂受而去至是果此人行刑時年四十九
及王敦平追贈弘農太守初庾翼幼時嘗令璞
筮公家及身卦成曰建元之末丘山傾長順之
初子凋零及康帝卽位將改元爲建元或謂庾
冰曰子忘郭生之言邪丘山上名此號不宜用

冰撫心歎恨及帝崩何充改元爲永和庾翼歎
曰天道精微乃當如是長順者永和也吾庸得
免乎其年翼卒冰又令筮其後嗣卦成曰卿諸
子並富貴盛然有白龍者凶徵至矣若墓碑生
金庾氏之大忌也後冰子蘊爲廣州刺史妾房
內忽有一新生白狗子莫知所由來其妾秘愛
之不令蘊知狗轉長大蘊入見狗眉眼分明又
身至長而弱異於常狗蘊甚怪之將出其視在
衆人前忽失所在蘊慨然曰殆白龍乎庾氏

至矣又裴釋生金俄而爲桓溫所滅終如其言
璞之占驗皆如此類也璞撰前後筮驗六十餘
事名爲洞林又抄京費諸家要最更撰新林十
篇卜韻一篇注釋爾雅別爲音義圖譜又註三
蒼方言穆天子傳山海經及楚辭子虛上林賦
數十萬言皆傳於世所作詩賦誄頌亦數萬言
子鵞官至臨賀太守

史臣曰景純篤志綿緇洽聞疆記在異書而畢
綜瞻往滯而咸釋情源秀逸思業高奇襲文雅

於西朝振辭鋒於南夏爲中興才學之宗矣夫
語怪徵神伎成則賤前脩貽訓鄙乎茲道景純
之探策定數考往知來邁京管於前圖軼梓竈
於遐篆而官微於世禮薄於時區區然寄客傲
以申懷斯亦伎成之累也若乃大塊流形玄天
賦命吉凶脩短定乎自然雖稽象或通而厭勝
難恃稟之有在必也無差自可居常待終頽心
委運何至斷刀被髮遑遑於幽穢之閭哉晚枕
忠言無救王敦之逆初暫智免竟斃山陰之謀

悲夫

贊曰景純通秀夙振宏茲究研島冊洞曉龜枚
匪寧國蒙坐致身災

郭璞傳

神僊傳

郭璞字景純河東人也周識傳聞有出世之道
鑒天文地理龜書龍圖爰象識緯安墓卜宅莫
不窮微善測人鬼之情狀李弘範林明道論景
純善於遙寄綴文之士皆同宗之晉中興王道
受其成旨以建國社稷璞盡規矩制度仰範太
微星辰俯則河洛黃圖夫帝王之作必有天人
之助者矣王敦鎮南州欲謀大逆乃召璞爲佐
時明帝年十五一夕集朝士問太史王敦果得

天下邪史臣曰王敦致天子非能得天下明帝
遂單騎微行直入姑熟城敦正與璞食璞久之
不白敦敦驚曰吾今同議定夫計卿何不卽言
璞曰向見日月星辰之精靈五岳四海之神祇
皆爲道從翬衛下官震懼失守不卽得自將軍
敦使聞謂是小奚戲馬檢定非也遣三十騎追
不及敦曰吾昨夜夢在石頭城外江中扶犁而
耕占之璞曰大江扶犁耕亦自不成反反亦無
所成敦怒謂璞曰卿命盡幾何璞曰下官命盡

今日敦誅璞江水暴上市璞尸出城南坑見璞
家載棺器及送終之具已在坑側兩松樹間上
有鵲巢璞逆報家書所言也謂伍伯曰吾年十
三時於柵塘脫袍與汝吾命應在汝手中可用
吾刀伍伯感昔念惠銜滄行法殯後三日南州
士人見璞貨其平生服飾與相識共語非但一
人敦不信開棺無尸璞得兵解之道今爲水仙
伯注山海經夏小正爾雅方言著遊仙詩江賦
卜繇客傲洞林云

書郭璞傳後

明張燮

郭景純受青囊書按策徵變探幽導微語殊左
驗觀其言曰噐以數臻事以實應天人之際可
謂非影嚮矣當年以才學見重當宁埒於嶠亮
然竟以上筮故縉紳多笑之史譏其官微於世
禮薄於時客傲申懷爲伎成之累不知景純偶
以占驗自著耳觀其屢諫繁刑用荅玄象疏逐
妖異虞襲紫闥聯絡累紙蹇諤自標至于王敦
圖逆威靈薰灼而景純據事書凶初無隱避日

中命盡甘樹下之鵠巢彼血濺岡頭足愧爲人
臣觀望兩端延性命於亂世者矣或謂景純旣
哀嗣祖之死爲福何不早去然運命有盡景純
久先覺之厠上祈禳偶欲爭奇於造物袴褶之
遺已明燭于事先也若乃詞賦爲中興之冠古
文奇字悉註成書足稱一世大儒此可盡以技
終掩哉管公明前知與景純異世同揆其無威
儀而嗜酒亦與景純同過彼面刺何鄧語殊切
至絕似景純之在處仲而背無三甲腹無三壬

亦自知不壽之徵幸而得終庶下耳精深玄理
如公明陳壽氏竟列之于方技不預通人之目
顧不寃耶古稱王太保以德掩言王右軍以書
掩德若少府弘農以技見掩也亦多哉

題雙溪閣

閣是郭景純所建

宋盧華

景純南州望才名早熏灼侯昔命小負二水顏
久忤景純兼取之志度量以博疊嶂最驚目排
青隱星落雙溪頗醒心激素出林薄

遺事

王文學令郭璞筮一年吉凶璞曰當有小不利可取廣州二大甕盛水置牀張鏡以厭之某時撤甕去水其災可消至日忘之尋失銅鏡所在後撤去水乃見鏡在甕中甕口數寸鏡大尺餘王公後令筮鏡甕之由璞云甕違期故致此妖邪魅所爲無他故也使燒車轄而鏡立出

初元明世郭璞爲識曰君非無嗣兄弟代禪謂成帝有子而以國傳弟又曰有人姓李兒專征

戰譬如車軸脫在一面兒者子也李去子木存
車去軸爲亘合成桓字也又曰爾來爾來河內
大縣爾來爲自爾已來爲元始溫字元子也河
內大縣溫也成康旣崩桓氏始大故連言之又
曰賴子之薨延我國祚痛子之隕皇運其暮二
子者元子道子也溫志在篡奪事未成而死幸
之也會稽王道子雖首亂晉而其死亦晉衰之
之由也故云痛也

卷縣令施安置鐻命郭璞射之璞曰非簪非釵

常在領下鬚髮節然是有兩鬢

丞相府有雛雞雀集其背驅去復來如此再三
令璞占之曰此晉王卽祚之祥也

褚裒總角詣庾亮亮使郭璞筮之卦成璞駭然
此非人臣卦二十年外吾言方驗

晉書

義興方叔保傷寒垂死令璞占之不吉令求白
牛厭之璞爲致之卽日有大白牛從西來逕往
臨叔保驚惶病卽愈

郭景純過江居于暨陽墓去水不盈百步時人

郭弘農集

附錄

十六

以爲近水景純曰將當爲陸今沙漲去墓數十
里皆爲桑田

世說

集評

郭景純詩林無靜樹川無停流阮孚云泓曄蕭索實不可言每讀此文輒覺神超形越

世說

江左篇製溺乎玄風嗤笑狗務之志崇盛忘機之談袁孫已下各有雕采而辭趣一揆莫與爭雄所以景純仙篇挺拔而爲侯矣

詩評

景純豔逸足冠中興郊賦旣穆穆以大觀仙詩

亦飄飄而凌雲

文心雕龍

景純綺巧縟理有餘

景純註雅動植讚之義兼美惡亦猶頌之變耳

文心
雕龍

景純客傲情見而采蔚

文心
雕龍

構思險怪而造語精圓三謝皆出於此杜李精

奇處皆取此本出自淮南小山

詩譜